

Poezi la vi mwen

Se yon rezime de tout sa'm viv, tout sa 'm wê , tout sa 'm tande. Se yon chapit ki make santiman'm ,ki refleto experyans nan la vi'm.Se yon enstriman pou ki sansibilize'w,e menm ede'w tande sa ou pot ko tande. Poezi la vim, se yon ti kado lespri kap guide'm , ankouraje'm ekri pou nou ,jis pou'n pi byen konprann la vi, tet nou, anvironman nou e menm Ayiti peyi-nou.

Poezi la vi mwen, se kout plim pa mwen ke'm pataje ak tout



zanmi ,fanmi,vwazen ak etranje kap kontinye fe chak jou yon experyans ki refleto déjà la vi yon lot . Se kado nou fe madanm nou, Naudine Supreme. Pitit nou Jeffrey, Joannah, ak Stanley Joachim. Se pou sè nou Guerda Cherilus ansanm ak tout zanmi ki non selman sipowte nou, men ki ede nou grandi pou tout la vi. Poezi la vi, se pou'n di nou tout mesi.

Me chesnel Phanord, Dr Joseph Joachim Benoit, Dr Arold Augustin, Dr Michel Evans Dorval, Mr Joel Olivier, Mr Anell Monroe, Mr Ernst Louis Jacques, Mr Jacques Ebel Raphael, Mr Edouard Mathieux, Maggy Reed, Merlande Roche, Nyrva Oscar, Serge et Rolane Napoleon, Karina Ductan, Carene Dubousquet, Antonio Philantrope, Joel Supreme, Joachim Dickens, Grace Lecors, Joseph Achille (Nene Digital) Jacques Petit, Karl Henry Duchatelier, Jules Harold Longchamp. E tout lot kem pa gen chans site non yo.

Se pou nou ankourage tou, tou zanmi ak manb ki sipowte mouvman SHARE la, paran ak ti moun ki montre volonte patisipe avek nou.

Pou nou ankouraje tout lot mouvman e oganizasyon kap, seme pou leve, jis pou ede ak chanje moun, sosyete ak peyi d'ayiti ki se sous refleksyon ak motivasyon nou.

Francois Joachim Dessalines

MEN LIS POEM KE NOU EKRI

- 1- Ann Travay
- 2- Ann gade sou Gonayiv
- 3- Premye janvye 2014
- 4- Refome Lekol
- 5- Politik
- 6- Reflexsyon
- 7- Anyen
- 8- An Kreyol
- 9- Endepandans
- 10- Ayiti
- 11- Idantite
- 12- Kem Ap Dechire
- 13- Mwen we lwen
- 14- Apran'n Reve
- 15- Pitye Ayiti mande
- 16- Se pa fot nou
- 17- Tren-an sipoze derape
- 18- Neg peyid' Ayiti
- 19- Tonton Nwel
- 20- Pa kondane'm
- 21- Zanmi SHARE
- 22- KOM si ou pa we
- 23- Ede'm Krye
- 24- Referans

ANN TRAVAY

Nou konpran n' santiman anpil ti moun bò lakay
Nou konprann bezwen tout ti zanmi kap pase tray
Se pi bèl moman, pou tout voye je sou tout kay
Kay an brik, kay tòl, kay tonel , e menm kay pay

Pouki sa ti moun bò lakay , tout la jounen ,ap pase tray
An veryte, se pa detay, E nou pa gen ase pou n' bay.
Pout tèt sa, nou dwe reyòganize bò lakay, pou'n travay
Jis pou demen pitit pa w', ak vwazen pa pase twop tray.
Se pa paske nou lwen lakay , pou n' pa f è efò pou n' bay
ti moun bò lakay , yon ti bagay , menm yon poupe pay.

O non tout ti moun bò lakay ,ann mande pouki yap pase tray.
Lekol sous ledikasyon ak fomasyon pa janm rive tout bon travay
Agrikilte ak plante, vann tout jaden ak te pou ale pi lwen lakay
Ensekirite, protitasyon, vyol ak vol, rezilta move politik ki pa travay.

Ann travay pou bo lakay , yon jou a gen yon lide ki p a la pou bay
Pito pou ofri yon bon plan travay, pou evite tout timoun pase tray
Jodia, nap kontinye panse ak tout ti moun bo lakay kap pase tray
Sila yo,wap gade chak jou , fanmi yo disparet kon yon kout loray,
Ou pa janm gen chans ,gade , tandè e menm we ke yap pase tray.
Yo tout kote,nan tout peyi, nan tout la ri, Sanble yo pi plis bo lakay.

AN NOU GADE SOU GONAYIV.

An nou gade ansanm rezulta yon travay ki pozitif
Nou sonje ke mwen te di nou nan denye rapo'm
Mwen te voye banou sou entenet , ke mwen sot
Fe de mwa an Ayiti e mwen retounen nan jou
Ki te 18 Novanm de mil dis- 10 jou avan eleksyon-yo
Nou sonje tou, ke mwen te pale nou de jounen inoublyab
Se paske mwen te satisfè anpil de travay ak mesaj
ke mwen te bay tout moun Gonayiv nan okasyon sa-yo.
Nou te fe plizye reprezantasyon ,nan radio vizyon2000
Nou pale sou plas public,nou pale nan radio Etincel
Nou reafime pozisyon nou yon lot fwa avek Moumou
Nou pale nan de okasyon pou Charles Henri Baker
Nan Domaine Night club , nou fe tout moun poze
Sou plas boutey nan Gonayiv, se te tet chaje
Mwen te di tout moun Gonayiv, zanmi'm ak fre'm
ke mwen retounen nan vil -la
Pou mwen bay patisipasyon- mewn e pou nou chanje
Sitiasyon malonet ke nap viv-la jodi-a.
Mwen te di yo , mwen retounen se paske mwen bouke
Pran desepsyon nan men lot moun ,selman paske
Mwen se moun Gonayiv .E kel ke swa efo map fe
Nan vi mwen, yo toujou relem dechouke.

Mwen te bayo egzanp tou de bagay pozitif sa -yo

Yon sit entenet pou Gonayiv depi 2006
Pou fe moun lot-bo konen ke nou ka fe bon bagay tou
Mwen reyalize 5 dokimante pou vil- la
Mwen te kon depanse kob mwen pou'm
Selman pale de Gonayiv nan zon ke map viv- la
Mwen se Premye baskete Olympic vil-la 1978
Mwe bouke pran desepsyon paske nou menm
Depi 1986, politisyen-nou yo itilize-nou
Pou enteret pa yo, Yo fe nou kraze brize
E yo fe nou detwi menm prop fanmi- nou.
Ane sa-a nap voye yon mesaj-ba yo
Nan Gonayiv. Nou fe politik yon lot jan
E se sa ki fe Gonayiv jodia rete tet poze
Nou pa vle peson vin bafre nou anko.
Nou pa remake se sel nan Gonayiv
Ke tout kandida yo te gen chans pase
Pou mennen kanpay-yo e san violans
Si yo te entelijan depi le sa-a
Yo ta dwe kompran ke vil-la chanje
Men se pa sa yap gade e se pat sa yo te vle
Nou te propoze-yo, pou yo te vin pale
Ak nou sou bezwen- noun an vil-la
Problem ke nap viv chak jou nan Gonayiv
Kolera- grangou- travay ak edikasyon pou pep –la
Nou te ofri- yo tout vin pale ak –nou

Yo te vini-wi men se zafe pa yo
Yo te vin okipe, yo pat kompran mesaj-nou.-yo
Nou fe politik ,yon lot jan, yon lot fason
Nou sispan kraze, nou sispan brize
Pandan lot yo ap detwi tout vil yo
Nan moman-sa-a nou envite-ou reflechi ak nou
Pou ansanm –nou ka jwen yon bon
Solisyon pou retire peyi-ya nan
Gagot politik-sa- a .Nou felisite tou moun
Gonayiv pou kouraj-yo, pou kompreansyon-yo
E pou proteksyon yo bay vil-la
Nap di yo veye , pa rete ap domi
Rete pito motive, pou nou ka motive lot moun
E fe yo kompran tou, ke Ayiti se peyi pa-nou
Li vo plis rekonstwi-l , ke kraze'l
Nou konen ke nan yon panye zoranj
Ka gen kek grenn ki pouri. Men jiska prezan
Nou tout fe prev ke nou komprann mesaj-yo
Gonayiv rete anko trankil e se sa nou vle
Nou banm rezon, Ayiti ka chanje
Men Chanjman-an dwe komanse
Avek ou menm e bo lakay ou
Nou di BRAVO tout moun Gonayiv
Kenbe pa lague- an nou kontinye reflechi ansan-m
Pou nou jwen yon meyê solisyon

Pou libere Ayiti apre 207 ane endepandans

Dessalines Joachim



PREMYE JANVYE 2014

Nan yon fason ke peson pata jan'm vle kwel
Fok fet sa-a ta pi fo menm pase tonton nwel
Premye Janvye sa-a , ta dwe telman bel
Menm moun tot lot kote ta dwe vini wel.
210 lane endepandans nou, fok nou fel
Dat ystorik sa-a, Premye janvye de mil katoz
Ayisyen tout kote, pa dwe jwenn yon koz
Ni yon rezon, pouki fe ke nou pa ka la.
Nou ta dwe depi konye ya propaje nouvel la
Nou ta renmen reyalize, la kay , pi gwo festival
Nan Gonayiv, kom yon pi gwo zev sosyal
Pou leve yon fon menm pou yon lopital
Nou mande atis Aysyen tout kote
Kel ke swa mizik ke yo chante
Pou yo ede'n oganyze ak planifye
Gwo jounen sa-a ki make tout bon vre
De san dis lane mechanste
Ke Ayiti peyin passé
Pou Selman lybete ke nou te mande.
Nou dwe nan Gonayiv pou premye fwa
Iny entelijans ak kompetans
Chak grenn ayisyen ki gen bon sans
Pou nou di yo ke nou pa nan rans
Nap fete 210 lane endepandans

Premye Janvye de mil katoz,
Ayisyen kel ke swa kote nou ye
Dwe selebre jounen sa-a ki make libete
Nou pa dwe al travay pyes kote
Nan jounen dat sa-a ke nou tout dwe fete
Endepandans pa nou kite toujou boykote
Premye janvye de mil katoz
Nan vil Gonayiv se tet chaje
Ti moun kon gran moun tout kote
Yon Baleyn pou limye
Yon mayo blan pou la pe
Se pou nou vini rakonte
Listwa yon lot fwa, jan'n te pase
Anba pye tonton Dessalin
Devan legliz katedral ki pi klyn
Nou pral ansam la prye
Pou mande Bondye limye
Nan mitan tout chimen
Nap trase kom premye pep revolte
Premye Janvye de mil katoz
Nan vil Gonayiv, se pou'n trase
Yon lot egzanp pou limanyte
Pou tout moun ka apran respekte
Tout prensyp bondye mete
Libete egalyte fratenite

Ki se banye diyite ak fyete
Premye pep nwa soulaje.
Premye janvyè de mil katoz
Nan Gonayiv, fok nou asyste
Pi gwo la prye ak men leve
Pou nou ka ede Ayiti Avanse
Dat sa-a premye janvyè, fok nou pa blye'l
Nan Gonayiv, fok nou selebre'l
Ayisyen tout kote, nou dwe sonje'l
Depi jodi ya menm, nou dwe planifye'l
Francois Joachim Dessalines



Mwen prye Bondye chak jou, pou'l kontinye pwoteje ayiti

Menm jan li te fe sa deja nan dat eleksyon Michel Martelli

Se letenel sel, ak tout lot ekip ki rele nou zanmi, ki ka di nou pouki

Pouki an 2010, nan mitan yon eleksyon nan yon peyi tankou ayiti

Yo desyde fe rerounen, ou voye ba nou de pi gwo enemy

Titid ak Duvalier de leader ki ran nasyon-an pi divize

Se te yon fason pou te gen gwo men leveve

Se paske yo te panse ke tout pel-la tap leve kanpe

Minustrha te deja byen pare ak yon lame

Ki te pre pou'l kraze tout pitit bondye

Ki te pans e ke yo tap batay pou sove Ayiti

Se Bondye sel kite ka eparnye nou

Jiska jody-a anko, pèson pa janm ka rive

Konpran malgre tout divesyte ak mechanste

Oken'n guê sivil ka jan'm ka demare

Ah se Bon Dye sel kap Sove Ayiti

Li banm limye pou'm panse ak reflechi

Jiskas ke mwen resi fe tout piti peyi d'ayiti

Se pa ni pou eleksyon, ou ni pou demokras

Nou dwe aksepte kraze ou detwi yon ti peyi

Li le, li tan pou nou reflechi, jis pou sove Ayiti

Depi lontan nap goumen pou demokras

Ki se pou tout zanmi Ayiti , yon kouvety
Mezanmi, Kote, tout pitit peyi d'ayiti
Ann leve tet nou , pou'n pote chapo Desalyn
Pou nou rasanble tout aysyen marchand ak grande Salyn
Ayisyen tout kote, nan No ak SID , leve kanpe
Pou pwoteje sel moso te zanset nou yo te kyte
Se yon dwa nou tout genyen kom pep
Pou nou Evalye tout listwa ki pase
Pou nou ka byen chwazy ki rout pou'n trase
Nou pran twop tan nap boloze, nap mande
Jody-a nou dwe mande ki sa reyelman nou vle



REPANSE LEKOL

Nou dwe , ansanm repanse lekol, tout bon vre nan sosyete lakay,
ki se youn nan vre koz, ak rezon ki fe nou tout ap pase tray
Lekol ta dwe ba nou limye, pou 'n ka we , menm nan fe nwa.
Lekol ta dwe, kouran la vi nou tout , ta dwe ran nou vinn pi fo
Lekol ta dwe yon enstriman, pou nou mezyre konpetans nou.
Yon reg pou ede nou kontrole diferans ak richness lakay nou.
Li ta dwe yon bousol pou oryante, desizyon nap pran nan la vi nou
Lekol ta dwe yon guid pou sansibilize, chak grenn nan nou,
Yon leson pou motive la vi nou , sou kel ke swa fom , la kay nou
Yon ba dereksyon pou dirije ak kontrole tout vi' nou.
Se sel lekol ki fe nou gen sans e ki ede nou pran konsyans.
Jody-a Lekol , se kle ki femen tout pot relasyon nou,
Nou itilize lekol, kom kle pou devyise boulon mote la vi nou.
Enstriman pou mezyre febles, ak konpetans nou .
Gras a lekol nou rekonet , nou pa kamarad yon ak lot.
Lekol ran nou divize, menm le nou soti nan yon sel fanmi.
Malgre tout klass ke nou fe, Se kom si nou pat ale lekol.

Se paske lekol , lakay pa janm jwenn definisyon li merite
Se sel enstitisyon, ki la pou fome moun ,ki pa vle viv tankou bet
Se sel so la viktwa, sou l'inyorans. Se limye, sou tout fos nwa
Se bwat sekre la vi-a, Se sous dlo larivye ki pote lespwa
Lekol se senbol libete, Sel garanti la vi pou yon demen miyo.

POLITK

Sevre, tout sa nou fe nan la vi, Se politik

Men lakay, nou fe Politik, tout la vi

Politik lakay, fenn pedi bon sans ak lespri

Politik ran nou divize menm ak tout zanmi

O non la politik, nou touye menm pwop fanmi

Poutet politik, nou tounen malfini

Pou yon post politik, nou detwi pou la vi.

Politik lakay mande redefini, menm jan nan tout lot peyi.

Politik ta dwe yon syans, pou ki ede nou defini

Ankradreman, filozofy, ak tout fom la vi

Direksyon ak bon angajman nou dwe chwazi

Politik lakay, mande pou redefini

Paske se sel lakay, politik tounen yon zouti pou travay

Se sel lakay, politik se yon koz ki fe nap pase tray.

Se vre tout sa nou fe nan la vi se politik

Men lakay sou pa vle fe politik

Ou gen pou' w pase tray

Se sel lakay politik bay moun travay

Pou'w reyalize menm yon ti kay pay

Politik la kay mande redefini

Poutet politik gen two moun ki mouri.

Politik ta dwe yon bon mizik

Ke nou te ka danse pou tout la vi

Yon dans ki ta dwe fe nou tout plezy

Yon zouti pou defan entere yon peyi.

Malerezman An Ayiti, Politik se pou'n detwi.



Edem konpran,

Poukisa andan peyi d'ayiti e tout kote nou pase
Depi apre 12 Janvye ,koule tout ti ayisyen chanje
Anpil ti bebe, nan tout andeyo, je vet ak cheve syre
Piti' t Ayisyenne, yon sé, yon kouzine, nou tout neglije.
Depi apre premye janvye 1804, nou te declare lybete
Ayiti pa jan'm ka retrouve trankilite ak stabilite
Poukisa menm jan ak tout peyi ,tout lot kote
Eleksyon lakay pa jan'm ka bay yon lyde ki gen kalite
Si nan tout lot peyi etranje, Eleksyon fe yo mete
Bon goudenman, bon prezidan ak enstitusyon
Lakay eleksyon se pou trouble la pe, se pou'n rete divize
Se pou ankouraje tout enstabilite,pou nou ka kraze ak touye
Pouki sa zot chwazi voye retounen la kay
Aristid ak divalier avan menm yon eleksyon
Kote pep ayisyen tap mande chanjman san kondisyon
Tout move dirijan ,lyde ak klass politik pou yo konveti
Se pat sa- yo te espere, zot,tap tan nou tout revolte
Minustha te deja byen kanpe,men se pat sa Bondye te vle
Kel ke swa prezidan ak goudenman ki monte
Ayiti toujou genyen kryz pou' l jere.
Kom si dire, lakay, se sel kote , la lwa tout peyi aplike
Men yon fwa se pou nou rete divize
Defet madanm Manigat, Edem we kle nan dosye jodya

Edem konpran manda kont Aristide, Duvalier ak Preval

Nan moman ke zot ap bay presyon pou kontinye

Fe move eleksyon pou mete troublay nan peyi d'ayiti.

Aprè tout kob kite ramase, le 12 janvyè te pase

Ki kote yo pase e ki yes, ki tap ramase.

Kote plan ak proje maggouye te trase

Pou te ede Ayiti Demare, Edem konpran ki kote sa prale.

Pep ayisyen, pran san nou, an nou rete tet poze

Pou'n apran tolere, menm le nou pa ta vle

Pou'n pa janm okazyone ou bay opotinite

AK zot Ki ta vle toujou fe'n mechanste.



ANYEN

Si Depi'w tou piti , yo
pa montre'w ou fe anyen
Menm le ,ou ale lekòl
Yo pa apran fe anyen
Ou grandi san ou pa ran kont
ou pa janm' reyalize anyen
Se Le ou we ke ou pa posede anyen
Ou chwazi pou rantre nan leta
p ou'w ou ka vini yon politisyen
Se pou yo pa rele'w yon voryen
Mon che ou se yon move sitwayen
Paske Ou pa util sosyete anyen.
Yo toujou di ou bay sa ou genyen.
Men si ou pa genyen anyen
Kel ke swa pozisyon ou sou teren –an
Ou pap janm ka ofri anyen
Se de pi'w ou te tou piti wi pou'w konen
Ki moun ke ou ye e ki karakte ou genyen.
Donk se pa san rezon,Si ou paka ofri anyen
Ou konnen byen ke ou pap janm ka bay anyen
Ah mon che, nan ka sa ou se yon pa anyen
Ou pito tounnen yon sendenden
Kap pase tet ou nan tenten

Nou dedye'w poem sa-a " ANYEN '

Se pou'w ka vini yon meye sitwayen pou demen.

Map raple'w menm pou Anyen

Ayiti se yon liv istwa pou Ayisyen

Paj paw-la pap jan'm vo Anyen

Tout tan ou pa apran fe ak ofri Anyen

Francois Joachim Dessalines

Community Organizer 09-08-2011



AN KREYOL

Mwen ekry sa an kreyol

Pou ti mounn ki ale lekòl

Lakay, moun ki pale Kreyòl

Se sila yo ki pat ale lekòl

Lot yo ki te ale lekòl

Paka pale pyes lang yo appran lekòl

Men jan yo ka pale yon bon kreyòl.

Moun ki ka li kreyòl

Se sila yo ki te ale lekòl

A la traka pou lang kreyòl

Anpil moun pale kreyòl

Men yo paka li kreyòl

Sila yo ki ka li kreyòl

Pa vle pale kreyòl

Paske yale nan yon move lekòl

Anpi l lot jete kreyòl

Tankou van ki voye jete yon fey tol

Nou bezwen ,li ekry ak pale kreyòl

Tankou yon lopital ki bezwen Tylenol

Le ansanm nou tout li –ekry ak pale kreyòl

Ayiti peyi'n ap Vini yon pi bon lekòl

August 25 th,2012

ENDEPANDANS

Yo vle'n celebre avek tout Ameriken

Pou jou fet pa yo ka pi bel nan tout kat kwen

Endepandans pa yo se bondye ki desan

E fet pa yo selebre nan tet ansanm

Yo vle'n blye passé'n, e yo pa vle nou kompran

Bel travay libete sa-a ke papa'n ak manman'n

Te mouri kite pou nou tout ki rele ayiti manman

Endepandans pa nou, s e nan chan khan

E ki sa nou tout Aysien poko ka konpran

Kote ti jwet ke nou pa ka jwe ansanm

Nou dwe jodi-a fe tout pitit peyi-a vin ran

Homaj'- respe- Ak tout fos-yo, ak tout nan'm

Pou yo kriye libete e pou yo chante ansanm

Ayiti manman nou, ou ce you'n nan pi bel fanm

Me zanmi se pou nou tout Ayisien sonje

Tout tan ke yo pa vle pitit pei-ya chante libete

se pou nou Pa janm kwe, nan gro travay linite

ke zanset nou yo, poukont –yo te reyalize

Nou tout pitit pei-ya dwe kanpe pou'n selebre

Jounen fyete, diyite ,premye pep nwa revolte
Mak bet pa nou , Ayisyen tout kote, se mak libete
Mak rigwaz nan do esclav sou tout chantye
An verite nou pa ka blye, patron san pitye
Ki pat janm vle nou mache tout bon ak fyete
Se pou'n fout leve kanpe, Se pou'n Seleb्रे
Tout bon vre,fet pa nou e chak ane
Endepandans pa nou nan tout kat kwen.
Menm jan ak tout mounn tout lot kote

Dessalines Joachim 07-2007



AYITI

Lè zom sou latè, toujou vle fè nou kwè
ke se yo minm sel ki gen je pou fe nou wè
ki gen bouch po di nou ak tout kè
tout sa moun sa –yo ki gen move kè
Ap fè tout pitit bon die pase sou latè
Yo pat janm konpwan si nou minm ti nèg nwè
Ta gen bon je passe yo, pon nou fe yo wè
Ta gen bon bouch pase yo ,pou nou di yo ak kè
Lakay se sel bagay ke nou posedé tout bon vwe
Se moso tè Bondye te fe nou kado,li pa pou lwe
Li pa pou vann si w kapab vi n pwan
An nou priye bondye poul jete yon pè dlo beni
Nan mitan tout ti neg ki vle batay ou mouri
Pou sovè peyi ,lakay se bel Ayiti cheri
An nou priye Bondye poul ede nou sove Ayiti
Ki de jou an jou ap vinn pi mal ou depafini
An priye Bondye poul jetè yon pe dlo beni
Nan mitan tout Kriminel ak mechan pou yo Konveti
An n pa janm di ke Bondye pa wè sa kap pase
Li rete anlè ya tèt li chage lap panse lap gade
Tout konplo ke ti neg ak ti blan ansanm ak mare
Pou yo krise brize ,elimine tout sa bondye te kreye
Ann fe yo sonje :yon jou pou chasè,yon jou pou jibye
Ann di yo Eklesias gen polu frape pye li yon lè

Poul li di ton nè Li pa ka pab anko, sa se fout ase
Si lè zom te gen pouvwa Bondye nan pla men yo
Yo ta detwi tout la tè e menm pwop tet pa yo
Anpil gaso vante tet yo brav e ,gason vanyan
Yo di ke se yo menm sel ki gen lespwi ou entelijans
Yo pa benyen nan larivyè men yo benyen nan gwo kouran
Se paske yo pa janm konnen ki pèlen depi lontan
Ti neg ap tann ou pare pou tout zot ki malveyan

Ann priye Bondye poul evite tout mechanste ak trayison
Ann priye Bondye poul pote yon bon solisyon ak gerizon
Nan maladi ki nan kèman nan kwè ou pote yon sel sansasyon
Ann priye Bondye poul banou yon ti kal nan lanmou-li
Pou nou ka chita ansam nan respe youn pou lot
Pandan nap brase lide pou ede peyi- nou Haiti libere

Francois Joachim 07/21/92

IDANTITE

Lontan ce tout bel bagay ke nou te konn fê
ki koz mounn tout lo koté, chak jou vinn kwê.
Nan listwa, mizik ak politik , nou make
premye pyon ki fê ou menm tou , ti frê
te kwê ,tout bon vré, ke ou se pitit lakay.

Jodi-a tout pitit gonayiv vlé pas vlé ,yo alé.
Dechoukaj, mizê nan pousyê ak polititik
ce twa pesonaj malvéyan ki krazé lakay .
Yo fenn pedi vale'n.,Yo fenn pedi lespwa.

Lontan.Se te tout bel gol nan match football
Tout ti bel chanté- mizik Symbi ak Volcan
Se te tout bel panyé nan basket Koléj ak lycé
Se tout bel leson moral ti manno te ba nou,
ké nou té meté ansanm ki te ran nou fyê .

Gonayv nan nuit kon la jounen.limyê
dinyte ak fyeté tap limen pou ékleré
Tout pitit sa yo, vwazin bo lakay , frê ak sê
Nou tout wi ki te kwe nan linite ak libeté

Jodi-a politik ak syklon jane fenn- pedi
lespwa, kouraj, dinyte fyete ak zanmi

Gonayv, tout pitit ou ap krye ,yap rele,
E menm le nou pa ta vle, nou tout divizé.

Fanm ak gason vanyan ,mete men nou
Ansanm ak sila yo ki vle, pou yon bon jou
Nou ka jwenn Fòs , kouraj , ak lanmou
pou ofri sa ki bon ak tout ti moun lakay

Gonayv tout pitit ou, chak jou, yap revé
Pou-w ka vinn pi bel tankou yon bouke flê
E yap la pryé menm pou sa yo ki pa vle kwê
Ke mwen menm ,.Ou menm ak ,Yo menm
Pitit Gonayv, nou tout se frê ak sê

Dessalines Joachim 03-15-2005



Kem ap dechire

A chak fwa ke map gade

Yon vwazen bo la kay mwen

Ke system-nan ap maltrete

Apre ke li pedi tout sa kel te posede

San konte yon mari ke

Li menm tal cheche an Ayiti

Neg-la rantre epi li separe ak manze

Nan denye kay li te rete ya

Depi le li te pedi tet-li-a

Apre ke mari'l te abandone

Depi ye, yo metel deyo la dan'n

Yo mete tout afel nan la ri.

Yo menm peye yon company vini ramase-yo pou fatras

Depi'm maten , Madan'm nan chita nan la ri-a

Men li nevê di swa, jiska prezan li nan la ri-a

Kem ap dechire, pou Henriette

Moun Gonayiv ki te rete lot bo kanal

Se sa Selman mwen konnen de li

Li genyen yon pitit gason yo rele jimmy

Li menm tou tet li pa bon

Yo de ya, chita ansan'm nan mitan la ri-a

Yo pa gen peson kom fanmi

Yo pa gen pyes kote pou yo ale

Nou bezwen ede Henriette

Men nou pa konnen kouman

E ki sa pou nou Fe pou li

Mezanmi . ban'm yon ide pou Henriette

09-04-2012



MWEN WE LWEN POU AYITI

Ayiti vini pou mwen, yon son kloch kap sonen

Chak jou, nan tout kat kwen lan nwit kon la jounen

Pou fenn sonje tout ti mounn kap trennen

San fanmy, manman, papa. E pa menm yon vwazen

Pou lonje yo la men, malgre tout sa yo gen bezwen

Lanmou, lybete, ledikasyon ak yon bon swen.

AYITI yon lot fwa genyen pou'l frappe

Se plis letranje kap pral krye

Se det pou Ayiti yo gen pou peye

Se san la jistis zanset nouyo kap koule

Tout swit apre pey'n pral demare

Le sa-a tout bon vre na va chante libete

ANPIL grot pwal debouche

Anpil minn pwal kreze

Ayiti gen pou'l chita gade

Lot tranbleman ki gen pou passé

Ayiti gen pou'l cho kon dife

Fwa sa-a yo tout ap oblije ale

E vreman yo pap ka rete

Le sa-a tout bon vre na va libere

Ayiti nan lespri'm lan nwit kon la jounen
Map panse, travay ak reflechi chak maten
Map la pryé pou'm mande bondye chimen
Chimen delivrans ak libete pou yon pep detounen

Manman ak papa pitit tout kote
Mare vant nou byen sere
Jou-a gen poul rive
Fwa sa peson pap ka epanye
Se la mize ak l'enjistis kap fe nou revolte.

Yo gen lontan yap prepare
Pou yo fe san tout pitit peyi-a koule
Lame etranje blayi tout kote
Yap tan sinyal trahison ak mechanste
Pou yo kraze elimine tout pitit bondye
Maten-an depi'm leve. Ak Ayiti map panse,
Dlo tout tan ap koule nan jem, pou aroze
Tout san ki koule, tout sitwayen ki ale
Lespri kap guide'm ap ede'm panse
Malgre tout efo nou fe, pou evite tout male

Jou-a preske rive. E peson pap ka epanye.
Le sa-a Ayiti ap libere, nou tout ap chante
Viv Ayiti, Aba lenjistis e Viv Libete

APWAN REVE

Yon moun ki pa reve gran

Pa kapab realize sa ki bon

E sa ki ran la vi –a toujou pi drol

Gen an pil moun ki reyalize gwo bagay

E ki pat menm panse reve yon ti pay

Mal gen empresyon ke rev yon moun

Toujou mache ak realite ke lap viv chak jou

E se sak ki fe ou fache, le ou domi reve

Ou we ou rich nan yon rev ou tap fe

Ou fwape pie –ou set fwa ., pou ou di

Tone a pa se nan domi ‘mwenn te ye

Me zanmi fok nou pa konfon

tou sa ou we nan domi

Ak tout sa nou dwe ta reve

pou ran la vi-nou chanje pou miyo

Se difderans sa-a ke nou pa janm fe

E ke nou toujou panse

Chanjman peyi lakay.

Se Selman nan domi

nou tout kapab reyalize’li

Paske nou pa janm wê e kwê
Nan ki reyalite nap viv e tan yon sosyete
Ayisyen tout kote domi pou yo reve
we yon Ayiti Miyo ,yon ayiti san traka
Men yo pa janm reyalize yo menm tou
Ta dwe san traka, yo menm tout a dwe korije
Yo pa janm vle accepte reyalite sa-a
Men yo prefere we nan domi
Ke Ayiti pa janm chanje

Nou refuse révé je klê
Pou nou ka toujou inyore
tout verite ak realite ke nap viv chak jou
Se selmam le nap domi nou vle chanjman
Men kon je nou clê e yon fwa ke nap brase
Nou panse tout peyi-a ap mache tout bon vre

An nou apran reve san nou pa domi
An nou apran panse pou peyi ya pa fini
An nou cheche kompran'n rezon e pou ki sa
Ayiti peyi nou ap vin pi mal ou depanfi
An nou sonje ansanm ke se pa Selman
Nan domi nou panse ke Ayiti kapab chanje

Reve pou yon ayiti miyo

Se kalkile, se reflechi, se panse

Ak tout moun kap viv nan sosyete-ya

Reve pou yon Ayiti miyo

Se renmen tet ou ak pwochen ou

Se ofri sa ou genyen ak si la, yo ki bezwen

Se pataje la vi, lanmou ak lespwa

Se reyalite sa- nou tout dwe wê nan je klê

Si nou vle tout bon vre ke ayiti chanje

Nou pa ta dwe rele tout sa nou

We nan domi rev, Men se ta pito

Tout sa nou tad wê nan je klê

E ki sanble youn' nan pi gwo rev

Ayisyen tout kote kapab reyalize

Dessalines Joachim

03-16-2008

Pitye Ayiti Mande

Pep Ayisyen Fò nou tout reveye

Sa fe lontan nap dòmi kanpe

Peyi'n tombe nan yon laviron dede

You'n ale –You'n vini anyen pa chanje

Ann krie pitye , ann nou rele

Pou yo sispan kraze, sispan touye

Pitit peyi-a , E tout sa yo ki vle

Ayiti vinn pi bel tankou yon pel

An nou krye yon tet ansanm

Pou tout pitit peyi-a konpran

E minm sa yo kite byien lwen

Vinn ran ayiti pi bel tankou dantel

Pi dous tankou yon moso kan

Ayti tout lannuit tout la jounewn

Son kloch la mize ap sonewn

Ayiti rele pitit liyo, retounewn

Vin ede tout politisyen, tout sendenden

Kap touye tout ti fle ki tap boujonnewn

Lidê politik nou yo ,tanpri souple

Nou tout ta dwe konsène

Pep la mande,si- ou gewn volonte

Pou ede peyi nou tout bon vre

Son wont devan la sosyete

Listwa va jije nou pou mechanste

Nou fe tout pitit peyi-a passé

Aysien anndan vle pati , yo vle ale

Sak deyò- yo ap rele se pat sa yo vle

Zanst –nou yo, yo tout ap mande pitye

Se nou toutt ki la kòz

Nou tout ap pran yon pòz

An nou sispan pran Bòz

Pep la mande lekòl ak bon dòz

Presidan Dirijan tanpri souple

Leve kanpe, se mange pep la mande

Libête –travay- sekirite ce sa nap chèche.

Francois Joachim 10-19-2004

PREMYE JANVYE 2014

Prye de liberasyon pou Ayiti

Premye mouvman Sosyal pou

Lyberasyon peyi-d'ayiti

SHARE ,envite nou tout, pitit peyi-a

E sitou , mounn nan komin gonayiv

Pou yo patisype ansanm nan

Prye liberasyon pou Ayiti

Nan dat kap premye janvye

De mil katoz, a midi

Sou plas endepandans peyi-a

Nou envite tout moun

Nan tout kouch sosyal

Pou yo patisype nan moman prye-sa-a

Nou mande'w Selman pou'w

Mete yon mayo blan byen pwop

Pote yon balein kom senbol limye

Pou ede'n klere tout fos nwa

Ki anpeche Ayiti demare

210 lane pase depi nou te deklare

Ayiti kom premye peyi ki gen lybete

Nou mande solidaryte tout pitit bondye

Pou ede'n prye pou liberasyon peyi d'ayiti.

Community Organizer(C.E.O of SHARE)

Francois Joachi

Se pa fot nou, si 'n pa ka ede

sosyete-a, tout bon pou'l avanse
Se twop regleman ak la lwa ke les zom egzije
Biwo krazy ak pemi po'un aji,
Nou pa janm reyalize, tout bon vre
se yon fason pou'n pa jan'm rive
Atend objektif ak decizyon pou'ede
Kom si vreman pou tout akt de bone volonte,
ke nou vle pataje ak tout ti moun kap krye
Yo egzije'n peye frekansite paske nou vle ede
Li pa ekry nan la bib, pyes kote
Nou dwe peye a chak fwa n panse
Ede , Bay ak pataje kel ke swa necesite
Fe yon byen sou la te toujou komplike

Men sila yo kap kraze ak touye
Toutt sa yo, chak jou, kap fe mechanste
Nan tout peyi civilize ,yo ta dwe
Asire yo peye,yon fre lybete.
Peye pou krim, ke yo vle egzekite.
Fe yo peye yon fre paske yo refize
Ke la sosyete avanse, jan bondye te mete
Yo ta dwe peye men jan ak sila yo
Ki gen bonne volonte pou ede
Yon fre libete pou mechanste

Pou yo ka posede yon lisans pou touye

Sila yo ki nan povrete, e lot ke la nati neglije.

Si les zom teka peye, tout bon vre

Yon fre a chak fwa yo panse touye

A chak fwa yo ta renmen fe yon mechanste

La nati vreman te ka pab pi byen proteje



Tren-an sipoze derape

Avek tout sa yo ki vle

E nap oblije kite dêyê

Menm lé nou pa ta vle

Si la yo kap krasé brizé

Tout sa yo ki pa vlé mété

Tet ansam,lanmou ak linité

Tren-an sipoze dérapé

Fwa –sa lap byen chajé

Avek tout pitit bon dyé

Tout sa yo ki genw dinyité

Tren-an sipozé derapé

Li pral Mennen nou asisté

Yo gwo men lévé

Kap fet nan yon ti coté

Yon ti vil anAyiti yo rélé

Gonayiv ki se la bel cité

Tren-an sipoze dérapé

Pou'l men nen tout bon vré

Menm coté, sou menm chantyie

Pou nou ede tout pitit bon dye

Si la ki sove nan la rivyiê ki pase

Nan gonayiv ak lot koté


Tren-an sipoze derape

E lap pase tout lot kote

An verite poul ramase

Tout sa yo ki vle edé

Gonaiv ak lot sa yo ki sové



NEG PEYI D'AYITI

Fok nou fe neg pye ate yo,

goumen ak neg ki gen soulye yo

Fok nou asire-nou tout tan

ke yap goumen antre yo chak jou

Se sel fason nou ka gen predominans nou

Sou ti peyi Neg sa-a , Ayiti

ki pran endepandans-li pa le zam.

Batay divizyon an pou elimine fos linite

Ki te ran nou fo kom neg ki endepandan

komanse nan Neg Potoprens, neg provens

Nan potoprens, se neg Petyonvil- Neg Belai

Neg kafou! Neg Bizoton, Neg Lalu

Nan provens, neg la vil ak neg andeyo.

Sil te sa selman nou tap genyen yon chans

Men li pral kontinye pi red, nan ckak vil

Yo pwal gade pitit ki moun ou ye

Ou byen nan ki katye ou soti

Pou yo ka determine ki tip de neg ou ye

Neg anho, Neg anba, neg raboto, neg dekahò

Neg Gonayiv, neg okap, neg jeremy

Divizyon blayi nan tout ensitusyon ki ta dwe ran nou fo
Menm andedan system ledikasyon, sa depan ki kote wal lekòl
Kay fre, kay me, lekòl leta, lekòl akoyo, lekòl bourel
Wap jwen yon fomasyon depan de pitit ki moun ou ye
Ki es moun ki ras ou, ki paran ou e ki moun ou konnen

Si division-an te rete an Ayiti Selman
Nou tap gen chans pou'n sove tout ayisyen
Ki te deside kite peyi-a , kel ke swa neg yo ye
Li la pi red, Neg andedan se ayisyen
Neg deyo se Dyaspora,menm le yo te
Pran nesans nan peyi d'Ayiti
Sel peyi Neg, endepandan nan mond-lan.
Sa vle di yon neg Ayisyen,peyi'l se Ayiti.

Depi se kote Ayisyen ap evolye,
Fok ou jwen yon grenn Neg ki diferan
Ou pa fouti jwen de neg,Ki nan menm ran
Sil pa yon- neg milat, li se yon neg pep
Sil pa yon neg Makout, li se yon neg Lavalas
Sil pa yon neg lespri, li se yon neg sot
Sil pa yon neg eklere, li se yon neg abitan
Sil pa yon neg potoprens, li se yon neg andeyo

Si ou ta desyde al pi lwen, kom neg d'ayiti
Kel ke swa direksyon ke ou pran nan la vi'w
Si'w pa jwenn yon etranje trete'w tankou neg
Paske yo rekonet, vale'w ak lespri'w.
Yo ta prefe di'w ke neg sa-a panse tankou blan
Tan pou yo ta di'w ke neg sa-a genyen lespri

E pa etone si ou rankontre ak yon NEG
Ki pa jam vle trete'w menm jan Li ta renmen ke ou trete'l
Ki pa jan'm vle rekonet konptans ou
kel ke swa Sa ou reyalize nan la vi-ou.
Se pa fot li s'il pa ka we ou byen,
Li senpleman, gade'w tankou yon neg.
Li Selman ka diw'ou: Neg sa-a kon se yon afe li ye.
E se konsa wi neg la ka komplimante'w
Men li pap jan'm dako ke ou Neg pase-li
An verite nou tout se Neg ! Melerezman
Depi nan lesklavaj, neg pa janm vle we Neg.
An nou apran viv, panse, reflechi
tankou yon bon grenn neg
Dessalines Joachim Dessalines
8-12-2013

TONTON NWEL DIM KILE

Ki le na sispan goumen pou jete gouvenman

Ki le na travay pou nou fe yon bon chanjman

Ki le nan sosyete la kay, na jwen lekòl ak travay

Jou kile nap sispan touye ,soufri ak pase tray

Pe letenel ki le, wap fe nou jwenn yon bon lyde

kap panse,kap trase plan ak bon chemen travay

Ansanm ak tout lot, zanmi , fre ,se ak tout pitit la kay

Pou ede peyi nou avanse ,demare ou soti anba pay

Jou ki le TonTon Nwel , moun lakay ap sispan pase tray

Nan ale cheche travay, sou teren vwazen bo lakay

Ki le nap sispan tout divizyon ki anpeche'n travay

Ki le nap komanse Mennen ansan'm yon sel batay

Pou defan'n yon sel koz, yon sel entere, yon sel avantaj

Ki le nap chwazi retounen bo- lakay pou nal travay

Ki le ansanm nap aksepte kanpe pou'n leve menm chay

Pou ede pitit Ayiti , sispan vini lot kote pou pase tray

Pe letenel, tanpri souple, dim ki,le . E edem we kle

Montre 'm chimen, E ban'm limye pou'm ka we pi kle .

Ki le nou ka chanje lakay, ban'm mande tonton Nwel

Ki le fet tonton Nwel , pou tout timoun ki anba twel

Francois Joachim 12/19/2013

PA KONDANEM

Ou we , mwen ka konpran'n panse'w

Mwen Selman kite letenel guide'm

Si'm se pitit li , li ka fe sal vle ave'm

Ou gen dwa utylize'm kom referans

Depi se pou ede yon lot pran konsyans

Ou pran plezy jije'm, krytik'em

Pou tout ZEV ke map eseye fe

Ou kondane'm pou sakryfis ke ou we'm fe

Pa jan'm gen konsyans pou'w evalye sam fe

Se Inyorans, jalouzy ak mechanste

Ki fe ou manke we pi kle, menm si wap gade

Men ou pa jan'm gen tan pou we,sa ou dwe we

Aprè tout sa ou dim fe, ki sa , ou menm ede'm fe

Mwen chwazy pa krytike, ni konpare sa lot moun ap fe.

E ki sam ye. E ki Dwa'm pou'jije, Selman m'ka prye Bondye

Pou'l ba nou lyme ak matyrite.Pou'n pi byen apran evalye.

Anveryte nou ka toujou chanje, Nou pa bezwen kredi sou la te

Sa pa vle di tou ,avek Ke'w ,Pou'w foure'n, avan le , anbate

SHARE ZANMI

Relasyon zanmi nou, ta dwe pi fo toujou.

E se sa pou ki fe, nou mache ansan'm .

Le nou rekonet , e aksepte viv youn lot
kom yon zanmi, yon frè, ou yon fanmy.

Le nou konekte tout bon vre

Le nou respekte you'n ak lot.

Le nou sipowte you'n lot

Le nou pataje lyde youn ak lot

Le nou anbrase ansanm yon sel vizyon.

Le nou aprann reflechi ansanm sou menm plan

Ki egzije nou travay ansanm tout tan

Kap mete nou tout ansanm sou men chantye

Le sa-a nap avanse ansanm

Se pat sa ki te fet E sam vle nou konpran

SHARE yon fanmi ki ansanm tout tan

Yon objektif,yon vizyon,yon lyde, yon rev

yon chalenj ki motive'm voye jem sou tout ti moun

Genyen plys nan nou menm ki we Selman tet yo

Ke yo gade tout sosyete-ya , mwen ka konprann sa

E sa permet nou pa ofry plys entere nan Mouvman-an.

E Mwen pa genye twop pou'm ofry nou tou

Nou pa two enterese,mwen ka konprann sa
Malgre tou mwen Refize kwe sa ,mwen pa gade sou sa
Map kontinye fe tout sa mwen ka fe pou fyete Gonayiv.
E jis kas ke nou vle pran konsyans,
map toujou ede nou avanse, paske se yon ijans
pou nou rezoud pwoblem sosyete ya, si non...

Men mwen pap aksepte, ou jan'm dako
pou'n panse ke se nou kap fem fe efo.
Mwen kontinye menm le nou pa fe pyes efo.
Twa zan, pase,menm le nou pa ofry TI MOUN yo anyen
SHARE toujou egzyste, jis ki kote konsyans nou ap rive.
Se vre , nou men ki ta dwe we pi kle, kom lyde
Nou ran sosyete –a pi divize Selman pou zafe entere
An nou aprann gade entere tout yon komynote
Ke nou we tet pa nou Selman, la vi ap genyen plys sans.

Ou fe kom si ou pa wê

Ou fe kom si ou pa wê, tout bon bagay yon lot ap fê

E pi wap pale , ou ta renmen wê plis lot moun fê

Ou fe kom si ou pa wê, tout bel travay yon lot koumanse

E , menm ou menm te ka pi byen kontinye

Ou fe kom si ou pa wê, se pou'w anpeche yon lot vanse

Anverite ou fe kom si ou pa wê, se pa paske ou pap gade.

Ou fe kom si ou pa wê, la mize pitit bondye ap pase

Ou fe kom si ou pa wê tout manman chak jou kap krye

Pou pitit yo kap souffri e ki pa ka jwen anyen pou yo manje

E malgre tout sa yap andire , ou fe kom si ou pa wê.

Ou kite tout move santiman ap trenen'w deyê

Jalouzy, anbisyon ,malveyan , ap detwi ke'w

Se tout koz sa yo ki fe ou fe kom si ou pa wê.

Si kout plim dessalines te ka fe ou wê klê

Mwen pa tap janm ekry ni pou fe wê

Pito, mwen tap ankoraje anpil lot moun fe

Tout bel travay ke ou fe kom si ou pa wê.

Ou fe kom si ou pa wê, pou'w dekouraje yon lot fe

Menm si wap gade ou pa janm ka rive wê, la mizê

Menm si wap tande, se pa janm vwa moun kap mande

Ou fe kom si ou pa wê, menm le wap mande Bondye

Pou la kay pa janm chanje, pou'w ka di ou te wê

Ou fe kom si ou wê tout bel bagay yon lot ap fê

Ou fe kom si ou pa wê, tout bel tablo la mize
Bel chanson ak Mizik ke ou refize achete
Ou fe kom si ou pa wê tout bel pwezi, sou Ayiti,
Ou fe kom si ou pa wê, pandan ke ou prefere chwazi
la Fontaine ak Corneille , se pou'w fe kom si ou pa wê
Ou fe kom si ou pa wê oken bel ti kote an ayiti
Wap gade foto , lot peyi , lot kote nan tout jounal Miami
Ou fe kom si ou pa wê, lakay , ou anpeche'l vanse

Inyorans, mechanste ak jalouzy se barye pou'n kraze
Si reyelman nou vle fe tout sa lot moun ta renmen wê
Menm le yo fe kom si yo pa wê, kontinye tout tan fe
A la yon bel bagay, le ou antoure ak lot moun kap fe
Sitou sila yo kap ankouraje'w , ede'w ,e pouse'w fe
Menm si ou fe kom si ou pa wê ,map ankouraje 'w fe

Dessalines Joachim GONAIVES 1/28/2015

EDE'M KRIYE

Mezanmi, Ede'm krye ,Ede'm pwoteje ak konseve .
Moso te, zanset nou yo, pou nou tout ,te mouri kite.
Nou tout ki rele ayiti manman ou peyi . Ann nou krye
Pou'n bare tout move lanmo,move koz ak mechanste
Move tan kap mare, e ki pral soufflé sou peyi d'Ayiti.

Nap anonse gwo van syklon eleksyon, ki pare pou ravaje
Tout ti fle ak , ti jaden lespwa ki ta pral boujonnen.
Yo vle pou'n kwe ELEKSYON nan nen pot kondisyon
Se pi gwo mwayen devlopman, ke nou meryte.
Men le. Nou pa janm ka fe yon bon chwa.

Ayisyen tout kote, louvri je nou pou nou reflechi ,
Ann mande ki kote sous pwoblem la kay nou soti.
An verite, si nan tout lot peyi Eleksyon mete
bon jan enstitusyon sou plas pou ede'n byen chwazy
bon gouvenman, bon prezidan. Lakay se diferan.
Se pito yon mwayen pou blanchi tout move lajan.
Sou pretex pou ede peyi. ELEKSYON se machine
semans divizyon,ke nou itilyze kont nou menm,
avek nou menm e pou nou menm, pou derasyenen
tout rasyn pye bwa lybete , fyerte dinyte tout ayisyen .

Ede'm trouve repons , kesyon ki pa jan'm poze

Pouki sa kantyte lajan ki depanse pou fe pwopagan

Ak demagoji kom volonte reyalize ELEKSYON.

Pouki sa tout kob sa yo pat pito depanse nan ledikasyon

Ki guaranty bon jan fomasyon, pou nou respekte dwa

Tout moun . E menm pou ede nou fe pi bon chwa.

Mwen kontinye rele se pou nou ka ede'm konpran'n

Pouki sa tout sa ki pase deja-yo tankou Duvalier,

Aristide, Preval ak Martelli. Yo tout echwe.

Malgre tout kantite moun kite mouri ,sou yo

, pou yo et deye yo ? tout sa o non la DEMONKRASY.

Nou vin chak jou pi mechan.

Ede'm krye pou tout sila yo kap pase AYITI anba pye

Pou pi gwo wol yo te jwe, nan 213 lane ki te pase.

An veryte, se pou tet sa Selman ayiti paka demare.

Anveryte , Ayisyen transfome jody-a kom premye

pep ki aksepte fe lesklavaj modenyze , tout kote.

Pou tet sa nou dwe krye. An'n rele,jis pou AYITI demare.

Francois Joachim Dessalines

REFERANS

Referans ! se bon jan konesans

Se yon mo ki geyen plisyè sans

Nou ka bay , jwenn ak pran yon referans

Yon bon referans pa ta dwe pou yon rans.

Se yon koneksyon ki gen anpil enpotans

Se pito pou yon chwa ak preferans

Referans pou ba'w direksyon nan tout sans

Referans se pou tout moun ou fê konfyans

Referans gen plis sans le li fet sou konpetans

Sel konesans ta dwe yon bon baz de referans

Yon move referans ka detwi san konsyans

Konesans, ak bon referans bay la vie yon lot sans.

Fem konfyans, referans pam baze sou konpetans.

Kwe'm si ou vle ann pran yon ti chans

Yon jou na di ke'm te banou yon bon referans.

Eske ou se yon zanmi m'ka itilize kom referans.

An verite la vi'm ap fe plys sans.

Mesi pou tout chans ke nou te fe Konesans.

Mwen reyelman kwe, Ou se yon bon referans